

UKA 2013/104: Siunnersuut: Kommunit aqunneqarnerat pillugu Inatsisartut inatsisaata allannngortinneqarnera pillugu Inatsisartut inatsisaat nr. xx, xx. xxx 2013-imeersoq.

pillugu

Inatsisinut Ataatsimiititaliap

ISUMALIUTISSIISSUTAA

Siunnersuutip aappassaaneerpeqarnerani saqqummiunneqartoq

Suliarinninnermini Inatsisinut Ataatsimiititaliap ukuninnga inuttaqarpoq:

Inatsisartunut ilaasortaq Kristian Jeremiassen, Siumut, Siulittaasoq
 Inatsisartunut ilaasortaq Doris Jakobsen, Siumut, Siulittaasup tullia
 Inatsisartunut ilaasortaq Sara Olsvig, Inuit Ataqaatigiit
 Inatsisartunut ilaasortaq Jens B. Frederiksen, Demokrateer
 Inatsisartunut ilaasortaq Randi Broberg, Partii Inuit

1. Siunnersuutip immikkoortui pingaarnerit

1.1. Kommunalbestyrelsimit ilaasortaajunnaarallartarneq / sulinngiffeqarallartarneq

Kommunalbestyrelsimit ilaasortaajunnaarallartarneq pillugu maleruagassat¹ atuuttut siunnersuummik annertusarneqarput ersarissarneqarlutillu.

Malittarisassani atuuttuni § 15, Imm. 3. malillugu Kommunalbestyrelsip aalajangissavaa ilaasortap (utaqqiisaasumik) aninissaanut piumasaaqaataasut eqqortinneqarnerisut. Kommunalbestyrelsimit apeqqummik taasuminnga nalilersuisinnaanermut paasissutissanik pisariaqartunik isumannaarinnissuniarlugit piffissami qaammatit marluk sinnerlugit sivissusilimmi sulinngiffeqarallarnissamik qinnuteqaateqartumut tamatumunnga patsisit pillugit qanorlu siviutigisumik pineqartup atuuffimminit peqanngissaneranut paasissutissanik piumasaaqartoqartalernissaanik Naalakkersuisut siunnersuutaat imaqarpoq. Uppernarsaatit qinnuteqaammut ilanngussatut ikkunneqassapput imaluunniit Borgmesterip tamanna qinnutigippagu pissarsiarineqassallutik.

Kommunenut qinersisarneq pillugu inastimmi § 50 malillugu kommunalbestyrelsimi (tamakkiisumik) ilaasortaajunnaarnissamut aalangersagaqarpoq. Tamakkiisumik ilaasortaajunnaarnissamut imaluunniit ilaasortaajunnaarallarnissamut qinnuteqaammi

¹ Kommunit aqunneqarnerat pillugu Inatsisartut inatsisaanni § 15, imm. 2-3

paatsoornartoqarnissaa pinngitsoorniarlugu piumasaqaataasut erseqqissarneqassasut aamma Kommunit aqunneqarnerat pillugu Inatsisartut inatsisaanni atuuttumi § 15, imm. 2-3-mi aalajangersakkani oqaasertaliusseq atorpeqartoq “ilaasortaajunnaarneq” “akissarsinertaqanngitsumik sulinnigiffeqarnermik” oqaasertalerlugu taarserneqassasoq Naalakkersuisunit siunnersuutigineqarpoq.

1.2. Borgmesterinut soraarnerussutisiat

Borgmesterit soraarnerussutisiaat pillugit malittarisassat atuuttut” Borgmesterit qinigaajunnaarneriutaat soraarnerussutisiaallu aammalu taakkua aappaasa meeraasalu taakkuninnga pissarsisinnaaneri pillugit Namminersorlutik Oqartussat nalunaarutaat nr. 8, 24. maj 2012-imeersumit” Kommunit aqunneqarnerat pillugu Inatsisartut inatsisaanni atuuttumi § 67-ip malitsigisaanik atuuttuulersinneqartumik aalajangersarneqarput (matuma kingorna “aqutsineq pillugu inatsit”).

Inatsisartuni Naalakkersuisunilu ilaasortat soraarnerussutisiaasa assinginik namminersuutigalugu soraarnerussutisiassat pillugit Borgmesterip aaqqissuusaqarsinnaaneranut malittarisassiorsinnaanermut aalajangersagaq atuuttoq tunngavittut periarfissiinngilaq. Tamanna siunnersuummik tunngavissiuunneqarpoq.

Soraarnerussutisiassanik kattussilluni ikilisisinnaanermut siunnersuut aalajangersagartaqanngilaq, tassa pineqartoq borgmesteritut soraarnerussutisiassanik piginnaatitaafeqarfimmi saniatigut atorfimmit suliffimmilluunniit allamit akissarsiaqarpat soraarnerussutisiassaqarpalluunniit atuutilersinnaasumik soraarnerussutisiat qaffasinnerpaaffiligaanngillat. Borgmesterit qinigaajunnaarneriutaat soraarnerussutisiaallu aamma taakkua aappaasa meeraasalu taakkuninnga pissarsisinnaaneri pillugit nalunaarummi 1. juni 2012 tikillugu atuuttumi taamaattumik aalajangersagaqarpoq:

§ 12. Borgmesteritut sulisimanermit soraarnerussutisiat ikilineqartassapput nalunaarut manna naapertorlugu soraarnerussutisiaqartoq pisortani atorfeqarnermini allatigut akissarsiaqartitaappat, ajunngitsorsiassaqartitaappat imaluunniit soraarnerussutisiassaqartitaappat.

Imm. 2. Soraarnerussutisiat ikilineqartassapput akissarsiat, ajunngitsorsiassat soraarnerussutisiaallu nalunaarut manna naapertorlugu ukiuni amerlanerpaani borgmesteriusimasup soraarnerussutisiarisinnaasaasut amerlatigilersillugit.

Imm. 3. Soraarnerussutisiat imm. 1-imit 2-mut naapertorlugit taamaallaat ima amerlatigisunik ikilisinneqarsinnaapput soraarnerussutisiassat pineqartup allatigut piumasarisinnaajumaagai soraarnerussutisiassat borgmesteritut sulisimanermeersut kingunerannik soraarnerussutisiassat killilerneqarneri pillugit aalajangersakkat atuuttut soraarnerussutisiat pineqartut akiliutigineqarneranni pisimangippata.

Kisianni nalunaarummi kingusinnerusukkut 2012-umi saqqummertumi (maannakkullu atuuttumi) aalajangersagaq taanna ingerlateqqinneqanngilaq, tamanna soraarnerussutisiarik kattussinnermi ilanngaateqarsinnaanermut maleruagassanik Kommunit aqunneqarnerat pillugu Inatsisartut inatsisaanni nutaami 2010-meersumi ilanngussisoqarsimannginnera Ombudsmandimit eqqaasitsissutigineqarsimammat.

Nammineerluni soraarnerussutisiassanut aaqqissuussat ilanngaatigineqarsinnaanissaannut maleruagassanik eqquassinissamut periarfissaqanngitsoq Naalakkersuisunit inatsimmut nassuiaatini oqaatigineqarpoq.

1.3. Najukkami ataatsimiititaliat ataatsimiititaliallu immikkut ittut.

1.3.1 Ingerlaneq tunuliaqutarlu

Kommunini iluarsartuusseqqinnermut atatillugu Najukkami Siunnersuisoqatigiinnik pilersitsinissamut siunnersuut 2007-imi Inatsisartunit isumaqatigiittunit itigartitsissutigineqarpoq (UKA2007/50). Siunnersuutip Inatsisartuni suliarineqarnerani pissutsinik assigiinngitsunik peqquteqartumik isumaliornartinneqarsimavoq:

- Kommunalbestyrelsit Najukkami Siunnersuisoqatigiinnik killiligaanngitsumik amerlassusilinnik pilersitsisinnaanermut taamatullu ilaasortaasut akissarsiaqartinnissaannut piginnaatitaaffilerneqarnerat siunnersuutip nassatarivaa.
- Kommunalbestyrelsit nammineerlutik Najukkami Siunnersuisoqatigiit ilaasortassaannik toqqaasinnaanerannik siunnersuut nassataqarpoq. Taamaalluni najukkami qinersinertaqanngitsumik Najukkami Siunnersuisoqatigiit katiterneqarsinnaalissallutik.
- Kommunalbestyrelsinut ilaasortat Najukkami Siunnersuisoqatigiinnit, kommunalbestyrelsinit inuttalerneqarsinnaallutillu pilersinneqartunit akissarsiaqartitaanissaminnut siunnersuummik mattunneqanngillat.
- Siunnersuisoqatigiinnik , nævninillu pilersitsisinnaanermut kommuunit aqunneqarnerannut inatsimmi tunngavissaqareerpoq, tassani aamma Najukkami Siunnersuisoqatigiit Nævnillu kisianni taakku akissarsiaqaataanngitsumik.
- Kommunit aqunneqarnerat pillugu aaqqissuusseqqinnermik allaffissornikkut ileqqaaruteqarnissamik taamatullu qinikkanut aningaasartuutinik ikilisaanissamik isumannaarininniarnermut siunnersuut naapertuutinngilaq.
- Nunaqarfinni aqutsisunik atorunnaarsitsinissamik Aaqqissuusseqqinnermut Ataatsimiititaliamit siunnersuutigineqartumut atatillugu siunnersuut isigineqartussaasimavoq, taamaattorli Inatsisartunit ingerlatiinnarneqarnissaat aalajangiunneqartumut (nunaqarfiit kattullugit katitikkanik ikinnerusunik ilaasortaartillugit).

Atuukkunnaarnissaat Aaqqissuusseqqinnermut Ataatsimiititaliamit siunnersuutigineqaraluartumik- Nunaqarfinni aqutsisunik attassiinnarnissamik aalajangiussinerup saniatigut- kommuniusimasut 18-iusut tamarmik kommunersuarut sisamanut kattussuutsinneqarpata inissamik minnerpaamik ataatsmik isumannaarissunneqarnissaat Inatsisartunit toqparneqarpoq. Tamatuma ikaarsaarnemi (kommuninut qinersineq 2008-mi) atuuttuunissaa Namminersornerullutik Oqartussanit siunniunneqarsimavoq, aaqqissuussap pineqartup attatiinnarneqarnissaa Inatsisartunit kissaatigineqarsimavoq. Naak Kanukokap² kommunit isummersuutaat naapertorlugit tamanna

² Kommuninik iluarsartuusseqqinnermi kommunerujussuit ataqatigiinnissaannik kissaateqarluni siunertaasumut aaqqissuusseqqinnermik naapertuutinngitsoq – paarlattuanilli kommunitoqqat kommunerujussuarni nutaani sunniuteqarnerannut aaqqissuusseqqinnermik iluaqusiingitsoq tassunga atatillugu Kanukokamit tikkuarneqarpoq. Tamatumalu saniatigut sumiiffiup aallartitaatut ilaasortaqaq ataaseq arlallilluunniit namminnerminnik ikitsuaqqanik qinersiseqartillugit aporaanermik pilertoqarsinnaanera taamalu kommunalbestyrelsip

kaammattuutiginnikkaluaraa – tamanna naapertorlugu sumiiffiit aallartitaqartarnerinik aaqqissuussap attatiinnarneqarnissaa 2012-umi Inatsisartunit akuersissutigineqarpoq.

Naak Aaqqissuusseqqinnermut Ataatsimiititaliap taamanilu Namminersorerullutik Oqartussaasut Najukkami Siunnersuisoqatigiinnik pilersitsinissamik siunnersuutaat Inatsisartunit 2007-imi itigartitsissutigineqaraluartoq, nunaqarfimmi aqutsisut attatiinnarneqarnerisigut sumiiffiullu aallartitaanik kommunalbestyrelsini nutaani inissamik isumannaarinnikkut sumiiffimmi oqartussaaqataaneq Inatsisartunit isumagineqarsimavoq.

2012-umi kommunalbestyrelsinit, nunaqarfinnik aqutsisunut ilagiillu sinniisaannut qinersisarneq pillugit Inatsisartut inatsisissaattut siunnersuummik (UKA 2012/28) saqummiussinnermut atatillugu, kommunalbestyrelsini sumiiffiup aallartitaanik ilaasortaqaqtitsisarnermut taarsiullugu Najukkami Siunnersuisoqatigiinnut ilaasortat akissarsiaqartitaalernissaat Kanukokomit, kiisalu Qaasuitsup Sermersuullu kommunalbestyrelsiinit kissaatigineqartoq ersersinneqarpoq.

Taamaattorli sumiiffiit aallartitaqartarnerinik aaqqissuussap ingerlatiinnarneqarnissaa Inatsisartunit qinerneqarpoq, kisianniuna kommunalbestyrelsinit, nunaqarfinnik aqutsisunut ilagiillu sinniisaannut qinersisarneq pillugit Inatsisartut inatsisissaattut siunnersuummut (UKA 2012/28) isumaliutissiissusiamini Inatsinut Ataatsimiititaliaq ima kaammattuuteqarpoq:

”Naalackersuisut inatsisissatut siunnersuummik qanoq ilusiliinissamik isumaliutiminnut Sumiiffiit Siunnersuisoqatigiivini pilersitsinissamik kissaatit ilanngutissagaat, Inatsisinit Ataatsimiititaliamit Naalackersuisut kaammattorneqarput, kiisalu – kissaatit pineqartut Naalackersuisunit taperserneqarnissaat piareersimaffigineqarpat – qanoq Sumiiffiit Siunnersuisoqatigiivini aaqqissuussinerup pilersinneqaratarsinnaasup pitsaanerpaamik ilusilerneqarnissaa aningaasalersorneqarnissaalu isummersorfigeqqullugu.”

1.3.2. Siunnersuut

Kommunalbestyrelsit ataatsimiititalianik immikkut ittunik pilersitsinnaanermut aqutsinnermut inatsimmi atuuttumi § 31, imm. 3 malillugu periarfissaqarput. Taannarpiaq tunngavigalugu kommunalbestyrelsit ullumikkut najukkami siunnersuisoqatigiinnik pilersitsinnaareerput - taamaattorli akissarsiaqartitaanngitsunik.

Tunngavissiarli taanna annerusumik atorneqarsimanngitsoq inatsisip nassuiaatitaani Naalackersuisunit paasissutissiissutigineqarpoq. Tamatumunnga patsisaasinnaasut marluk Naalackersuisunit tikkuarneqarput:

Siullertut aalajangersakkap (§31, imm. 3) oqaasertaani najukkami siunnersuisoqatigiit toqqarlugit paatsuugassaannngitsunik eqqaaneqannginnerat Najukkami

katitigaanera kommunerujussuarimi naalackersuinikkut pissaanermik ersersitsisuunnginnera Kanukokomit tikkuarneqarpoq.

Siunnersuisoqatigiinnik pilersitsinissamut tunngavissiiisuunerata kommunalbestyrelsinit eqqumaffigineqanngitsoorneranut patsisaasinnaavoq. Ataatsimiititaliat immikkut ittut (uani aamma Najukkami Siunnersuisoqatigiit) sorliit kommunalbestyrelsip inissitsiternerani pilersinneqarnissaannut sorliillu piffissami qinersiffiusup ingerlanerani pilersinneqarnissaannut malittarisassanik erseqqissaasunik aalajangersagaq imaqaanngilaq.

Aappaatut Najukkami Siunnersuisoqatigiinni sulinermi peqataaneq, nalinginnaasumik suliffiusup avataatigut pisinnaanngikkaangat, amerlasuunut aningaasarsiornikkut annaasaqarnermik nassataqarsinnaanera Naalakkersuisunit tikkuarneqarpoq.

Taamaammallu Najukkami Ataatsimiititat pillugit aalajangersakkanik immikkut ittunik pilersitsisoqarnissaa Naalakkersuisunit siunnersuutigineqarpoq peqatigisaanillu ("Najukkami Ataatsimiititanut" Naalakkersuisunit taaguutigittinneqarpoq), ilaasortat Naalakkersuisunit aalajangerneqartumik amerlassusilinnik amerlanerpaaffissalernerneqarsimasunillu akissaateqartinneqalernissaminut³ periarfissinneqarlutik.

Kommunalbestyrelsimut, Aningaasaqarnermut Ataatsimiititaliamut ataatsimiititalianullu ataavartunut suliassanik piareersaateqarnermik siunnersuinermillu atuuffeqarlutik Najukkami Siunnersuisoqatigiit ("Najukkami Ataatsimiititat") suliaqarsinnaapput.

Najukkami Siunnersuisoqatigiinnik qassinilluunniit pilersitsinissartik siunnersuisoqatigiinnulluunniit ataasiakkaanut ilaasortassanik qassinilluunniit toqqaassallutik kommunalbestyrelsit siunnersuut malillugu nammineerlutik aalajangiussinnaavaat.

Najukkami Siunnersuisoqatigiinni ilaasortaasussat kommunalbestyrelsemit toqqaarneqassapput. Innuttaasullu taamaalillutik kikkut Najukkami Siunnersuisoqatigiinnut ilaasortanngornerannut (toqqaannartumik) sunniuteqarsinnaanerannut isumannaarinnissunneqaratik.

Siunnersuisoqatigiinnulluona ilaasortassanik - tamanna kissaatigineqarpat - sumiiffimmi kattuffinnik innuttaasunillu eqimattakkaanik imaluunniit partiinik naalakkersuinermik suliaqartunik il.il. toqqaasitsinissaq kommunalbestyrelsip periarfissarigaa (tak.siunnersuummi § 31a, imm. 2). Taamaalilluni aalajangersakkap nalinginnaasup partiit kommunalbestyrelsimut ilaasortaataqartut akornanni ilaasortaatitat amerlassusii najoqutaralugit ataatsimiititalianut ilaasortaataqarnissamik isumannaarisup (§ 35) maleruarneqannginnissaa kommunalbestyrelsimi amerlanerussuteqartunit aalajangiunneqarsinnaasutut Inatsisinut Ataatsimiititaliamit paasineqarpoq.

Pinerluuteqarsimasutut akiligassinneqarnermilluunniit pineqaatissinneqarsimanermi qinigaasinnaanermik annaasaqartarneq pillugu malittarisassat kommunalbestyrelsinut ilaasortaasunut atuuttut Najukkami Siunnersuisoqatigiinnut atuutinngillat.

³ Taamaattorli kommunalbestyrelsimut ilaasortaasooq Najukkami Ataatsimiititaliamut ilaasortaasussatut kommunalbestyrelsimut toqqaarneqartoq siunnersuisoqatigiinni atuuffimmunit immikkut akissarsiaqartitaasinnaanngilaq.

1.3.3 Aningaasaqarnikkut sunniutit aningaasalersorneqarnerlu

Nalunaarummik nutaamik najukkami ataatsimiititalianut ilaasortaasunut akissarsiarititaasut qaffasinnerpaaffissaannik aalajangersaasumik Naalakkersuisut atuuttunngortitsiniartut inatsisip nassuiaatitaani erserpoq. Taakkulu borgmesterinut akissarsiarititaasut aqqaneq marlorarterutaattut ukiumut 74.000 kr-inut inissinneqarnissaat isumaliutigineqarpoq – imaluunniit SIK malillugu akissarsiaqartitaasup qaammammut nalunaaquttap akunnerini 70-⁴ini sulisartup akissarsiai⁴ assigalugit.

Najukkami Siunnersuisoqatigiinnik qassinik kommuunit pilersitsisinnaaneranik siunnersuisoqatigiinnulluunniit ataasiakkaanut ilaasortassanik qassinik kommunalbestyrelsit toqqaasinnaaneranik siunnersuut killiliinngilaq. Amerlassusaat kommuunitoqqat 18-iusut amerlaqataannut killilerlugu Najukkap Siunnersuisoqatigiivini tallimanik ilaasortaqaqartunik pilersitsisoqarnissaa nunami kommunalbestyrelsinit sisamaasunit aalajangiunneqaraluarpalluunniit aningaasartuutit ukiumut 6,66 mio. kr-iussapput⁵. Ataatsimiinnernut angalanernullu aningaasartuutit pisinnaasut tassani ilanngunneqanngillat.

2013-imut aningaasanut inatsisissatut siunnersuummi atugassaminut Aningaasaqarnermut Ataatsimiititaliap apeqquaqataanut kommuninik aaqqissuusseqqinneq (suli) siunertaasutut allaffissornikkut ileqqaaruteqarnermik kinguneqarsimannginnerarlugu Naalakkersuisut akissuteqaamminni paasissutissiissutigaa. Akerlianilli kommunit allaffissornikkut aningaasartuutaat qaffassimapput. Kommunit kattussuuneqannginneranni ukiumi kingullermi kommunit katillugu aningaasartuutaat 505 mio. kr-iusimapput. 2012-imut aningaasartuutissanut missingiutit 550 mio. kr-iupput.

Kommunit kattussuutsinneqarnerannut atatillugu kommunalbestyrelsinut - nunaqarfinnilu aqutsisunut ilaasortat akissarsiaannut aningaasartuutit kisiisa qiviaraanni, kommuninik kattussuutitsinermi ileqqaarutaasut siunertarinqartumut naleqqiullugit annikissimapput. 2008-mi kommunit kattutsitsineq sioqqullugu tamatumunnga aningaasartuutit tamarmiusut 47 mio. kr-it pallillugit amerlassuseqarsimapput, 2011-milu 34 mio. kr-iusimallutik. Naak kommunalbestyrelsit 78%-it missaannik kiisalu nunaqarfinni aqutsisut affaannanngortillugit annikillisinneqaraluartut sumiiffimmi qinikkat akissarsiaannut aningaasartuutit taamaallaat katillugu 28 %-it missaannik ileqqaaruteqarfiusimapput.

Kommunalbestyrelsinut, nunaqarfinnik aqutsisunut ilagiillu sinniisaannut qinersisarneq pillugit Inatsisartut inatsisissaattut siunnersuummut (UKA 2012/28) isumaliutissiissusiornerminut atatillugu Inatsisinut Ataatsimiititaliap kommunalbestyrelsit Najukkami Siunnersuisoqatigiinnik assigisaannilluunniit akissarsiaqartitaasunik ilaasortalinnik pilersitsisinnaanerat aalajangiunneqarpat, kommunini aningaasartuteqarnerunissaq pinngitsoorniarlugu qanoq Naalakkersuisut takorluugaqarnerisut taamanikkut Naalakkersuisuusunut apeqqutigaa.

⁴ Suliassaq sapaatip akunneranut annerpaamik nalunaaquttap akunnerinut pingasunut missingersoraanni, taava akissarsiassaq annerpaaq nal. ak. 474 kr-init minnerussanngilaq.

⁵ Najukkami Siunnersuisoqatigiinnut ilaasortat tamaasa ukiumut akissarsiassat qaffasinnerpaaffissaannik 74.000 kr-iusunik akissarsiaqartinnerisigut.

Najukkami Siunnersuisoqatigiinnut akissarsiarititaasut annerpaaffilerlugit killiliinissaq isumaliuutigineqarsinnaasoq Naalakkersuisunit akissutigineqarpoq.

Tamatuma saniatigut kommunalbestyrelsinut kommunillu ataatsimiititaliaanut allanut ilaasortat akissarsiaannik nalimmassaanikkut Najukkami Siunnersuisoqatigiinnut ilaasortat akissarsiaasa aningaasalersorneqarsinnaanerit periarfissaasoq Naalakkersuisunit tikkuarneqarpoq. Tamatuma saniatigut periarfissaq alla tassa; kommunalbestyrelsinut ilaasortat ikilisinnerisigut aningaasaliissutissanik nassaarsinnaanerup periarfissaanera Naalakkersuisunit akissuteqaammi eqqaaneqanngitsoq Inatsisinut Ataatsimiititaliap isumaliutissiissusiornermini paasivaa.

Oqaatigineqareersutut – siunnersuut una – Najukkami Siunnersuisoqatigiinnut ilaasortat ataasiakkaat akissarsiaannik annerpaaffiliilluni killiliisinnaanermut tunngavissiiuvoq, taamaattorli Najukkami Siunnersuisoqatigiit qassit pilersinneqarsinnaanerannut, siunnersuisoqatigiinnulu ilaasortat amerlassusaannik killiliisumik siunnersuut imaqqanngilaq. Kommunini qinikkat, ataatsimiititalianut ilaasortat allallu akissarsiaannut aningaasartuutit tamarmiusut amerlinginnissaannik siunnersuut isumannaarinngilaq. Taamaallitutik kommunalbestyrelsinut ilaasortat ikilisinnerisigut imaluunniit Borgmesterit kommunalbestyrelsinullu ilaasortat akissarsiaasa annikillisaaviginerisigut Kommunit akissarsianut aningaasartuutaannik tamarmiusunik annerpaaffiliinikkut Najukkami Siunnersuisoqatigiinnut ilaasortat akissarsiaasa aningaasalersorneqarsinnaanerinit Naalakkersuisut periarfissiinngillat.

Kommunili ataaseq – Kommuneqarfik Sermersooq – kommunalbestyrelsimut ilaasortat 21-iniit 19-inut ikilisinnerisigut kiisalu kommunimi ataatsimiititaliat siulittaasuisa akissarsiaannik appaanikkut nammineq piumassutsiminik Najukkami Siunnersuisoqatigiinnut aningaasartuutit ilaannik aningaasalersuiniarluni aalajangerpoq.

Kiisalu

Inatsisartunut Naalakkersuisunullu ilaasortat atuuffigisaminnut aningaasatigullu soqutigisaminnut piusinnaasunut allanut paasissutissanik Inatsisartut nittartagaannut ikkunneqartussanik nammineq piumassuseq malillugu nalunaarsuisinnaanngorlugit aqqissuussaqq Inatsisartuni Suleriaatsimut Ataatsimiititaliamit pilersinneqarpoq.

Aqqissuussanik assingusunik pilersitsisinnaanermut periarfissat kommunalbestyrelsinut eqqumaffigineqassasut Inatsisinut Ataatsimiititaliamit kaammattuutigineqarpoq.

Inatsisinut Ataatsimiititaliap inassuteqaataa

Ataatsimiititaliap isumaqatigiittup siunnersuut akuersissutigineqassasooq **inassutigaa**.

Taamak oqaaseqarluni Inatsisinut Ataatsimiititaliap siunnersuut aappasaaniigassanngortippaa.

Kristian Jeremiassen,
Siulittaasoq
Siumut

Doris Jakobsen
Siumut

Sara Olsvig
Inuit Ataqatigiit

Jens B. Frederiksen
Demokraatit

Randi Broberg
Partii Inuit